

Komunidadi di Massachusetts

DEPARTAMENTU DI SERVISUS PUBLIKU

D.P.U. 21-50

28 di Dezenbru, 2022

Avizu di Inkeritu di Departamentu di Servisus Publikus (DPU) pa se propriu inisiativa na prosedimentus pa omenta konsientizason publika y partisipason na ses prosedimentus.

ORDEN INTERLOKUTORIU Y PRUJETU DI POLITIKA SOBRI OMENTU
DI KONSIENTIZASON Y DI PARTISIPASON PUBLIKA

I. INTRODUSON

Na dia 16 di Abril, 2021, Departamentu di Servisus Publiku (“Departamentu”) emiti un Votu y Ordi abrindu un inkeritu na midjoras prosesual a nos rikerimentus di avizu publiku pa omenta konsientizason publiku y partisipason di prosedimentus di Departamentu. Na kel Votu y Ordi, Departamentu solisita kumentarius na kistons dizenhadu a asisti nos prosimus pasus na es prosedimentus. Departamentu rasebi kumentarius di : (1) Prokuradora Jeral di Commonwealth di Massachusetts (“Prokuradora Jeral”); (2) Departamentu di Rekursus di Inerjia di Massachusetts (“DOER”); (3) Sidadi di Boston; (4) Autoridadi pa Abitason di Boston; (5) Climable.org; (6) Pipe Line Awareness Network for the Northeast, Inc. (“PLAN”); (7) Redi Pa Ason Klimatiku di Massachusetts (“MCAN”); (8) enprezas di distribuison konjuntamenti;¹ (9) Fundu di Defeza Ambiental (“EDF”); (10) Vila di Hopkinton; (11) Fundason Juridiku pa Konservason (“CLF”); (12) PowerOptions; (13) Sentru Juridiku Nasional Pa Konsumidor (“NCLC”); (14) Gas Leaks Allies; (15) Browning the Green Space; (16) Betsy Sowers di Residentis di Fore River Kontra Stason Konpresora; (17) Andrea Honore; (18) Rosalind Nadeau, Menbru di Konseliu di Sustainable Marblehead y Tizorera di HealthLink, Inc.; y (19) varius organizasons di interesi publiku y pesoas interesadu

¹ Kes sigintis enprezas di distribuison submeti kumentariu konjuntu: Boston Gas Company, Massachusetts Electric Company, y Nantucket Electric Company, tudu na negosiu komu National Grid; NSTAR Electric Company, NSTAR Gas Company, y Eversource Gas Company of Massachusetts, tudu na negosiu komu Eversource Energy; Liberty Utilities (New England Gas Company) Corp. na negosiu komu Liberty; The Berkshire Gas Company; y Fitchburg Gas y Electric Light Company na negosiu komu Unitil.

konjuntamenti.² Na dia 25 di Maiu, 2022, enprezas di distribuisen apresenta raspostas a preguntas adisional di Departamentu. Dipos di revizon di kumentarius, Departamentu anunsia ma e ta ben konduzi un sesons di mesa redondu virtual di partis interesadu (“mezaredondu”) en kordenason ku Konseliu di Instalasons di Inerjia (“EFSB”) na kistons di engaju publiku relasionadu ku Departamentu y EFSB.³ D.P.U. 21-50, Memorandu di Anunsiu di Mezaredondu di Ofisial di Audensia (19 di Julhu, 2022).

Departamentu sedia kel mezaredondu ku EFSB na dia 25 di Agostu, 2022.

Reprezentantis di varius entidatis partisipa na kel mezaredondu, inkluindu kes sigintis: (1)

Vila di Hopkinton; (2) Vila di Needham; (3) Sidadi di Springfield;

(4) GreenRoots, Inc.; (5) Prokuradoria Jeral; (6) EDF; (7) Planejamentu di Aria Metropolitana

² Kes sigintis pesoas submeti es kumentarius konjuntu: (1) Priya Gandbhir, Advogada di Ekipa, CLF; (2) Deb Pasternak, Direktora di Sadu, Sierra Club Massachusetts; (3) Audrey Schulman, Co-Diretora Izekutiva, HEET; (4) Roseann Bongiovanni, Direktora Izekutiva, GreenRoots, Inc.; (5) G. Lee Humphrey, Gas Leaks Allies; (6) Claire Miller, Direktora di Movement Building, Unitarian Universalist Mass Action; (7) Karry Muzzey, Co-Prezidenti, Take Back the Grid; (8) Sofia Owen, Advogada di Ekipa y Directora di Servisus Juridiku di Justisa Ambiental, Alternativa pa Komunidad y Ambient; (9) Alan Ransil, PhD, Sunrise Boston; (10) Sabrina Davis, Organizadora Xefi, Aliansa pa Justisa Sosial; (11) Kyle Murray, Advogadu Senior Pa Leis– Massachusetts, Acadia Center; (12) Cathy Kristofferson, Sekretaria, PLAN; (13) Adele Franks, Menbru di Kumite Direktivu, Climate Action Now, Western Mass; y (14) Steven Marantz, Membru, Konseliu Seletivu di Longmeadow.

³ Na dia 30 di Junhu, 2021, EFSB abri ses propriu prosedimentu pa izamina midjoras prosesual na ses rikerimentus di avizu publiku pa omenta konsientizason publiku di partisipason na prosedimentus di EFSB, inklindu asuntus relasionadus ku konseliu sob jurisdision di Departamentu. EFSB21-01. Enbora Departamentu y EFSB ten rikerimentus di avizu publiku similiar, kada ajensia ten ses proprius prosedimentus y pratikas y distintu separadu. Purtantu, Departamentu y EFSB ta ben emiti konsientizason publiku y politikas di partisipason separadu ki ta akorda ku nesisidadis di kada entidadi.

Council; (8) CLF; (9) Acadia Center; (10) NCLC; (11) NSTAR Electric Company, NSTAR Gas Company, y Eversource Gas Company of Massachusetts, tudu na negosiu komu Eversource Energy; (12) Boston Gas Company, Massachusetts Electric Company, y Nantucket Electric Company tudu na negosiu komu National Grid; (13) Autoridadi Pa Abitason di Boston; (14) Massachusetts Association for Community Action (ou seja., MassCAP); (15) DOER; y (16) Grupu di Residentis di Boston Residents. Dipos di mezaredondu, Departamentu solisita kumentarius adisional na kistons diskutidu na mezaredondu y rasebi kumentarius di sigintis entidades:

(1) Prokuradora Jeral; (2) PLAN; (3) enprezas di distribuison konjuntament; (4) CLF; (5) varius organizasons di interesi y pesoas interesadu konjuntamenti;⁴ (6) MCAN; (7) Vote Solar; y (8) Erika Kohl di Kumite di Inerjia Linpu y Sustentabilidad di Sidadi di Westford.

II. ASONS DI DEPARTAMENTU

Duranti es prosedimentu, Departamentu dja splora vias pa omenta vizibilidadi di nos avizus publiku y involvimentu publiku y di partis interesadu na nos prosedimentus.

Buska di un midjor y mas signifikativu divulgason y idukason e un prosesu ki senpre ta ten spasu

⁴ Kes sigintis pesoas submeti ses kumentarius konjuntamenti: (1) Jon Yakie, Jerenti, Justisa Ambiental y Divulgason, Acadia Center; (2) Kyle Murray, Advogada Senior di Leis – Massachusetts, Acadia Center; (3) Grupu di Rezidentis di Boston; (4) Paulina Casasola, Organizadora di Justisa Klimatika, Clean Water Action; (5) Sabrina Davis, Organizadora Xefi, Coalition for Social Justice; (6) Priya Gandbhir, Advogada di Ekipa, CLF; (7) Staci Rubin, Visi Presidenti, Justisa Ambiental, CLF; (8) Alice Arena, Presidenti, Residentis di Fore River Kontra Stason Konpresora; (9) Jollette Westbrook, Diretora y Advogada Senior, Equitable Regulatory Solutions, EDF; Larry Chretien, Direktor Izekutivu, Green Energy (10) Consumers Alliance; (11) John Walkey, Direktor di Orla Maritima y Inisiativas di Justisa Klimatika, GreenRoots, Inc.; y (12) Cathy Kristofferson, Co-Fundador, PLAN.

Pa midjoras, y nu debi ekilibra es prosesu ku nos obrigason korenti di konduzi prosedimentus a tenpu y ora y administrativamenti efisienti. Enbora Departamentu ta kontinua ses enpenhus na omenta engaju publiku, bali pena nota ma Departamentu dja midjora asesibilidadi di nos prosedimentus y avizus publiku pa fazi es rekursus mas sinplis di uza atravez di sigintis asons:

- Konsistenti ku Gabeti Izekutivu di Inerjia y Asuntus Ambiental (“EEA”) Polika di Justisa Ambiental 2021 (“EJ Policy”)⁵ y Kapitulu 8 di Leis di 2021, Un Lei ki Ta Kria Un Kaminhu di Prosima-Jerason pa Politika di Klima di Massachusetts, Departamentu dja kria un ajensia spesifiku di Stratejia di Justisa Ambiental ki sta aktualmenti sob revizon pa EEA, nos ajensia parenti. Es stratejia e designadu a omenta involvimentu signtifikativu di tudu algen y komunidadis en relason a dizenvolvimentu, inplementason, y izekuson di leis ambiental, regulasons, y politikas, inkluindu politikas di mudansa di klima, y distribuison igual di inerjia y benifisius y pezus ambiental. Komu parti di es prosesu, Departamentu sta avalia metodus di promovim mas involvimentu publiku y di partis interesadus na nos prosedimentus. Atulamenti, Departamentu normalmenti ta riker publikason di avizus di prosedimentus na website di Departamentu, websites di enprezas jurisdisional, y na jornais.⁶ A medida du pusivel, Stratejia di Justisa Ambiental di Departamentu ta anbisiona omenta divulgason komunitariu y partisipason atravez di iziji publikason di Avisus di Investigasons, Solisitasons pa Kumentarius, y otus avizus publiku relasionadu, spesialmenti pa asons regulatoriu ku putensial inpaktus substansial na populasons di justisa ambiental, atravez di plataformas adisional.
- Rekunhesimentu di inportansia di sertifika ma pesoas ku profisensia limitadu na Ingles ten kel mesmu oportunitadi pa partisipa na prosedimentus di Departamentu

⁵ EEA, *Politika di Justisa Ambiental di Gabeti Izekutivu di Inerjia y Asuntus Ambiental* (2021) dispunivel na <https://www.mass.gov/doc/environmental-justice-policy6242021-update/download>.

⁶ Inda mas, Departamentu podi tanbe riker avizus a ser envianu na kureiu pa klientis (iz: klientis tenpurariu di enprezas di agua) y/o grupus spesifiku di entidades putensialmenti afetadu (iz: fornesidoris kompetitivu y kumersiantis) en sertus tipus di kazus. Tanbe, na alguns kazus ki ta inplaka komunidadis spesifiku, Departamentu ta riker servisu di avizus na partis interesadu y ofisiais lokal, y, kistons di Departamentu

sima kes ku profisensia di Ingles, Departamentu dja fornesi servisu di interpretason na audensias prezensial y remotu. Kez li ta inklui es prosedimentu y tanbe kel ki sta sigi li: Bay State Gas Company, D.P.U. 19-140/D.P.U. 19-141, 29 di Janeru, 2020 y 10 di Fevereru, Audensias Publika di 2020; Pitison Konjunta di Eversource Energy, NiSource Inc., Eversource Gas Company of Massachusetts, y Bay State Gas Company pa aprovason pa Departamentu di Servisu Publiku di (1) venda di Bay State Gas Company pa Eversource Energy; y (2) un akordu di likuidason ki ta rezolvi kel pruposta di venda y dos investigasons pendenti di Departamentu na kel Incidenti di Merrimack Valley, D.P.U. 20-59, Audensias Publika di 25 di Agostu, 2020 y 27 di Agostu, 2020; Boston Gas Company, D.P.U. 20-120, Audensias Publika di 26 di Janeru, 2021 y 28 di Janeru, 2021; Inventigason na papel di enprezas lokal di distirbuison di gas na Commonwealth atinji ses metas di klima projetadu pa 2050; D.P.U. 20-80, Audensias Publika di 3 di Maiu, 2022 y 5 di Maiu, 2022; y NSTAR Electric Company, D.P.U. 22-22, Audensia Publika di 29 di Marsu y 31 di Marsu. Uzu di interpretis na audensias publika ta riker un grandi preparason y kordenason pa pesual di Departamentu ku enprezas di distirbuison involvidu na prosedimentu y enprezas ki ta fornesi servisu di interpretason. Inda mas pa sesiona linguas a ser interpretadu, baziadu na komunidadis afetadu, Departamentu tanbe ta akumoda interpretason di otus linguas ora ki solisitu.

- Departamentu tanbe solisita traduson di avizu na diferenti linguas non so pa es prosedimentu mas tanbe pa sigintis boletus: Pitison Konjunta di Eversource Energy, NiSource Inc., Eversource Gas Company of Massachusetts, y Bay State Gas Company pa aprovason di Departamentu di Servisu Publiku di (1) venda di Bay State Gas Company pa Eversource Energy; y (2) un akordu di likuidason ki ta rezolvi kel pruposta di venda y dos investigasons pendenti di Departamentu na kel Incidenti di Merrimack Valley, D.P.U. 20-59, Avizu di Aprezentason y Audensias Publika (24 di Julhu, 2020); Boston Gas Company, D.P.U. 20-120, Avizu di Aprezentason y Audensias Publika, y Konferensias Prosesual (24 di Novenbru, 2020); Inventigason na papel di enprezas lokal di distirbuison di gas na Commonwealth atinji ses metas di klima projetadu pa 2050; D.P.U. 20-80, Avizu di Aprezentason y Audensias Publika (23 di Marsu, 2022) y NSTAR Electric Company, D.P.U. 22-22, Avizu di Aprezentason y Audensias Publika, y Konferensias Prosesual (28 di Janeru, 2022). Paralen di sesiona na ki linguas ki kel avizu e traduzidu, baziadu na komunidadis afetadu, Departamentu tanbe ta akumoda traduson na otus linguas ora ki pididu.

relasionadu ku konseliu, proprietarius di tera y rezidentis di aria. Pur ultimu, Departamentu tipikamenti ta riker servisu a ser fetu na lista di servisu di boletus relasionadu.

- Departamentu dja diresiona asuntu di enprezas di distribuison pa nos jurisdison pa kontrata tradutoris pa traduzi avizus y fornese interpretis na audencias publika na bazi di prosedimentus di taxas di distribuison y tanbe na prosedimentus direktamenti inpaktandu komunidadis di justisa ambiental ku populasons di profisensia limatadu di Ingles sima prodesidmentus di agregason munisipal ki ta involvi Fitchburg, Quincy, y Chelsea.
- Departamentu dja kria un novu puzison di funsionariu, Kordinador di Asesu Publiku. Ora ki es puzison for prenxidu (anunsu di enpregu sta [li](#)), Kordenador di Asesu Publiku ta ben dedika na kordena justisa ambiental y kistons di asesu di lingua, supervizon di asesu a rejistus publiku, y fasilitason di midjoras a nos strategias di divulgason publika.
- Departamentu dja instrui pesual pa aborda kistons di asesu di lingua y di justisa ambiental na prosedimentus undi ki for adikuadu. Tanbe nu sta trabadja na midjora nos Planu di Asesu a Lingua.
- Departamentu dja modifika ses prosedimentus di avizus pa inklui na ses avizus sumariu di altu nivel, linguajens sinplis di informason tekniku, splikandu sertus termus asi un meru leitor podi intendi kistons involvidu na prosedimentu. Sumariu tanbe ta inklui inpaktus di konta indikandu modi ki prosedimentus e speradu pa afeta menbrus di publiku, partikularmenti klientis di renda baxu.
- Departamentu dja kria pajinas di web dedikadu partikularmenti a prosedimentus inportanti, inklindu es boletu (<https://www.mass.gov/resource/enhancing-public-engagement>).
- Komu parti di es prosedimentu, Departamentu dja konduzi un sondajen di modi ki kumisons di servisus publiku di otus stadu sta ta aborda kistons di asesu publiku (inkluidu kes di California y Connecticut) y buska informason direktamenti di otus entididadis (sima Gabeti di Massachusetts pa Difisensia, Gabeti Federal di Komison Regularoriu di Partisipason Publika y Asosiasion Nasional di Subkumite di Komisarius de Servisus Reguladora di Konsumidoris y Interesi Publiku) na ses sperensias na asesu publiku. Departamentu ta ben uza es diskusons pa avalia mudansas na ses avizu internu y pulitikas di divulgason.
- Tanbe, komu parti di es prosedimentu, Departamentu sta na prosesu di atualiza ses pajinas di web pa adisiona mas informason na kes varius pasus di prosedimentu di Departamentu, di modi ki di un forma mas fasil, ta atxa dokumentus relasionadu ku prosedimentus, y modi ki ta partisipa na prosedimentus. Departamentu ta spera konpleta es atualizasons ti veron di 2023 .

Departamentu ta ben kontinua ta solisita traduson y servisus di interpretason senpri ki for nesisariu pa sertu boletus, dipendendu di natureza di boletu y komunidadis di justisa ambiental afetadu. Departamentu tanbe ta ben kontinua se trabadju na midjora kopunentis idukasional na ses website pa midjora engaju publiku. Adisionalmenti, Departamentu ta ben kontinua ta buska informason di varius entidadis pa midjora konsientizason publiku y partisipason na nos prosedimentus. Departamentu ta ben kontinua ta konstrui y midjora na arias mensionadu di riba pa permiti asesu publiku mas anplu y involvimentu na prosedimentus di Departamentu.

III. PROJETU DI POLITIKA

Komu un pasu alen na es prosedimentu, Departamentu ta buska kumentarius na sigintis projetu di politika. Departamentu kria kel projetu di politika pa balansa direitus di partis pa un revizon di pruposta administrativamenti efisienti, interesi di partis interesadu y menbus publiku, y kustu di konduson di un posedimentu. Pamodi kustus di inerja sta mas karu n storia di Massachusetts y klientis sta konfrontadu ku omentu di kustus di inerja y transporti, Departamentu sta konsienti di inportansia di spanson di intendimentu publiku di trabadju di Departamentu ao mesmu tenpu ki e ta suaviza omentus di kustu. Nu ta enkoraja pesoas interesadu pa presenta puzisons di konsensu y submiti kumentarius konjuntamenti, ora ki pusivel. Dipos Departamentu ta fazi revizon di tudu kumentarius, nu ta ben determina kalker mas prosesu.

Projetu di Politika

1. Tipus di Prosedimentus

Diferentis tipus di prosedimentus debi valia diferentis nivel di publikason y divulgason, ku sertus prosedimentus resebendu nivel mas altu di publikason y divulgason, y kes menus signifikanti y kazu di rutina, rikerendu menus publikason y divulgason. Di baxu, Departamentu sta stabilesi kriteriu pa diferentis kamadas di prosedimentus. Es kriteriu e dizenhadu a sirbi komu un gia, mas Departamentu ta determina sob ki kamada kada prosedimentu ta kai dependendu di kazu.

- Prosedimentus di Kamada 1 e maior, prosedimentus signifikantis (ki podi inklui kazus di tarifas di gas o di eletrisidadi o inisitivas di mudansas signifikativus di politika) o prosedimentus ku un inpaktu jeografiku spesifiku signifikativu na komunidad di justisa ambiental (sima identifikadu pa informason y mapas di Justisa Ambiental di massachusetts, <https://www.mass.gov/environmental-justice>) y debi resebi kes sigintis enpenhus di publikason y divulgason: publikason prominenti na website di rikerenti; publikasons na jornal; divulgason a pesoas di interesi y listas di servisu; notifikason a klientis; divulgason a lidere munitipal y komunitariu; y posts na social media. Paralen disu, klientis tanbe ta rasebi mensajen inseridu na konta pa bazi di tarifas di distribuison y inisiativas di mudansas signifikativas na politika. Es kazus debi tanbe ter notifikasons traduzidu y servisu di interpreteson na audensia publika konsistenti ku Planu di Asesu a Lingua di Departamentu.⁷
- Prosedimentus di Kamada 2 ta abranji maioria di prosedimentus, ta inklui tarifas, regras, y prosedimentus ki ta riker audensias publika (ki podi inklui inisiativa di mudansa di politika di Departamentu, prosedimentus di fazi regras, y previzons y planus di abastesimentu), y debi rasebi sigintis enpenhus di publikason y divulgason: publikason prominenti na website di rikerenti; publikasons na jornal; divulgason a pesoas di interesi y listas di servisu.
- Prosedimentus di Kamada 3 ta abranji prosedimentus di rutina ki ka ta inklui un audensia publika (ki podi inklui prezentason di fixason di tarifas anual (iz: aprezentason di fator di ajusti di gas, aprezentason di sevisu baziku, aprezentasons di ajustis na kontas, y aprezentasons informasional) y debi rasebi sigintis enpenhus di

⁷ Pa kalker prosedimentu ki ta involvi un populason di justisa ambiental dezignandu komu tal na bazi di izulason di Ingles (iz: profisiensi limitadu di Ingles), Departamentu podi rikeri traduson di avizos y servisu di interpreteson na audensia publika pa linguas relevanti. Pa kalker prosedimentu ki ta riker servisu di traduson y interpreteson, partis interesadu podi solisita ki linguas adisional ser akomodadu.

publikason y divulgason: publikason prominenti na website di rikerenti; publikasons na jornal; divulgason a pesoas di interesi y listas di servisu. Klientis ta kontinua ta rasebi avizus di 30 dia di mudansas na tarifas di servisu baziku. Presu di Servisu Predefinidu y Konpras, D.T.E. 99-60-C na 7 (2000).

Pa prosedimentus di Kamada 1, Departamentu ta furnesi informason na se website di modi ki, organizasons baziadu na komunidad di ses partis interesadu podi subskrevi a boletus en partikular y pa rasebi avizus di prosedimentu. Departamentu tanbe ta ben furnesi aktualizasons regular na kes prosedimentus na se website. Departamentu tanbe ta ben djabi stabilesi vinkulus pa partis interesadu rasebi avizus di tudu prezentasons di Departamentu o tipus partikular di prezentasons o kistons.

2. Planu di Divulgason di Rikerenti

Ora ki stiver ta fazi un pididu di revizion y aprovasion di Departamentu, rikerenti debi inklui ku kel pididu un planu di divulgason di komunidad relevante a asunto en kazu y un anbitu jeografiku di pididu konsistenti ku kel nivel di investigason rikeridu pa kel kamada undi ki e ta kai. Planu di divulgason debi inklui un lista di organizasons munisipal y komunitariu pa undi ta ser imitidu avizu, furnesidu palanus pa servisu di traduson y interpretason (inkluindu ki linguas y justifikason pa kes linguas), y indika ki pasus di planu di divulgason dja foi realizadu dja.

Kel rikerenti debi trabadja ku partis interesadu na komunidadis afetadu pa kria planus di divulgason y determina ki plataformas o lugariss a ser uzadu pa publika avizus. Rikerenti debi tanbe kordena ku munisipius afetadu, inkluindu jerentis di enerjia munisipal, kamaras di kumersiu, y programas di ason komunitariu, pa kria planus di divulgason y difundi kel avizu.

Enprezas di distribuison, ora ki solisitadu, debi inklui komu un enkarti di konta un sumariu brevi, sinplis di intendi, di kel pitison na un tamanhu di letra mas grandi.

Non mas tardar ki [A ser detirminadu], Enprezas di distribuison debi stabilesi listas di distribuison di email y testu pa tudu avizus, ku provizons di sai di lista, opsons spesifiku pa kistons y lugares, y planus pa uzu di social media.

IV. SOLISITASON DI KUMENTARIUS

Departamentu ta agradesi kumentarius na kalker aspetu di projetu di politika. Tudu kumentarius skritu debi ser prezentadu ku Departamentu non mas tardar ki **Sesta Fera 20 di**

Janeru, 2023. Tudu kumentarius debi ser submitidu a Departamentu atravez di un aneksu a email pa dpu.efiling@mass.gov, laurie.e.weisman@mass.gov, y scott.seigal@mass.gov.

Testu di email debi spesifika: (1) numeru di boletu di prosedimentu (D.P.U. 21-50); (2) nomi y informason di kontaktu di kel algen o enpreza ki sta submiti kel kumentariu; y (3) un titlu diskretivu brevi di kel dokumentu. Kel fixeru iletroniku debi identifika kel dokumentu mas ka podi isedi 50 kareteris en konprimentu. Inportanti, tudu fixerus grandi submitidu debi ser divididu na fixerus iletronikus ki ka ta isedi 20 MB. Kumentarius skritu ta ser publikadu na website di Departamentu atravez di nos arkivu online na <https://eeaonline.eea.state.ma.us/DPU/Fileroom/dockets/bynumber/21-50>. Nes altura, tudu dokumentus ta ser submitidu somenti en formatu iletroniku konsistenti ku direktiva di Kumison di 15 di Junhu, 2021 relasionadu a rikerimentus di solisitasons modifikadu. Normalmenti, tudu partis debi sigi Sekson B.1 y B.4 di Regras Bazikas Padron di Departamentu (D.P.U. 15-184-A, App. 1 (4 di Marsu, 2020)); ti novu avizu, nuentantu, partis debi manti kel version orijinal en papel, y Departamentu ta ben determina mas tardi kuandu ki version di papel debi ser prezentadu na Sekretaria di Departamentu.

V. ORDI

Asi, dipos di avizu, kumentariu, seson di mezaredondu, y devidu konsiderason, ta dadu


ORDI: Pa Sekretaria di Departamentu distribui iletronikamenti y, undi

Solisitadu, sirbi atravez di enviu na kureiu di es Ordi na lista di distribuison di Departamentu pa es prosedimentu; y ta dadu

INDA TA DADU ORDI: Ki dokumentus skritu na projetu di politika di

Departamentu ten prazu ti 20 di Janeru, 2023.


Pa Orden di Departamentu,

A handwritten signature in black ink, appearing to read 'Matthew H. Nelson', written over a horizontal line.

Matthew H. Nelson, Prezidenti

A handwritten signature in black ink, appearing to read 'Robert E. Hayden', written over a horizontal line.

Robert E. Hayden, Kumesariu

A handwritten signature in black ink, appearing to read 'Cecile M. Fraser', written over a horizontal line.

Cecile M. Fraser, Kumisaria